



Urwego Mpuzamahanga Rwashyiriweho Gukora Imirimo y'Insigarira y'Inkiko Mpanabyaha ("IRMCT") rwashyizweho n'Inama Ishinzwe Amahoro ku Isi y'Umuryango w'Abibumbye ku itariki ya 22 Ukuvoza 2010 kugira ngo Urukiko Mpanabyaha Mpuzamahanga Rwashyiriweho u Rwanda (TPIR) n'Urukiko Mpanabyaha Mpuzamahanga Rwashyiriweho Icyahoze ari Yugosilaviya (TPIY) nizimara kurangiza manda yazo ruzazisimbure ku byerekanye n'ububasha, imirimo y'ingenzi, uburenganzira n'inshingano zari zifite.

IFISHE Y'AMAKURU KU RUBANZA

Kugeza ubu, abantu umunani barezwe na TPIR kubera uruhare rwabo muri jenoside yakorewe mu Rwanda mu mwaka wa 1994 ntibaratwa. Hateganyije ko IRMCT izaburanisha abaregwa batatu bakurikira: Augustin Bizimana, Félicien Kabuga na Protas Mpiranya. Abandi batanu ari bo Fulgence Kayishema, Charles Sikubwabo, Aloys Ndimbati, Ryandikayo na Phénées Munyarugarama, imanza zabo zoherejwe mu Rwanda. Ladislas Ntaganzwa, na we washakishwaga kandi urubanza rwe rukaba rwaroherejwe mu Rwanda, yafatiwe muri Kongo ku itariki ya 9 Ukuvoza 2015.

MICT-13-39

USHAKISHWA - AUGUSTIN BIZIMANA



Kuva muri Nyakanga 1993 kugera ku itariki ya 17 Nyakanga 1994, Augustin Bizimana yari Minisitiri w'Ingabo muri Guverinoma y'Inzibacyo y'u Rwanda.

**Umwaka yavutsemo
n'aho yavukiye**

1954, Komine ya Gituza, Perefegitura ya Byumba, Rwanda

Inyandiko y'ibirego

Inyandiko y'ibirego igenderwaho yatanze ku itariki ya 17 Ukwakira 2011

Aho urubanza rugeze

Arashakishwa kuva ku itariki ya 29 Kanama 1998

AMAKURU Y'IBANZE KU RUBANZA

INYANDIKO Y'IBIREGO

Augustin Bizimana yarezwe muri TPIR icyaha cya jenoside, kuba icyitsyo cy'abakoze jenoside, ibyaha byibasiye inyokomuntu, n'Ibikorwa binyuranyije n'Ingingo ya 3 ihuriweho n'Amasezerano y'i Jeneve n'Inyongera yayo ya II, byakorewe mu Rwanda hagati yitariki ya 6 Mata n'iya 17 Nyakanga 1994. Muri icyo gihe, Bizimana yari Minisitiri w'Ingabo w'u Rwanda.

Mu Nyandiko y'ibirego havugwa ko Bizimana ashinjwa kwica no kugirira nabi abantu babonaga ko ari Abatutsi muri Perefegitura y'Umujiyi wa Kigali n'iya Kigali Ngari no mu Maperefegitura ya Gitarama, Gisenyi, Ruhengeri, Butare, Kibuye na Cyangugu.

Havugwa kandi ko, nka Minisitiri w'Ingabo, Bizimana yari afite umwanya w'ubuyobozi watumaga amategeko atanze yubahirizwa n'abasirikare bo mu ngabo z'u Rwanda, Interahamwe, Impumuzamugambi n'abandi Bahutu bitwaraga gisirikare ndetse n'abasivire bakoreshejwe mu gukora ibyo byaha cyangwa mu kubigiramo uruhare. Bivugwa ko Bizimana yategetse abo bantu kugira imiyitwarire yaranze no gukora ibyaha no kugira uruhare mu ikorwa ryabyo.

Mu Nyandiko y'ibirego havugwa ko muri icyo gihe, mu Rwanda hose hari ibtero rusange kandi/cyangwa biri kuri gahunda byibasiraga abaturage b'abasivire bazira ko ari Abatutsi no kubera impamvu za poritike. Muri ibyo bitero, Abanyarwanda bamwe bishe cyangwa bagirira nabi abantu babonaga ko ari Abatutsi, abataravugaga rumwe n'ubutegetsi, abafitanye isano na bo cyangwa abantu babakingiraga ikibaba.



Mu Nyandiko y'ibirego, ashinjwa ibyaha bivugwa mu birego bikurikira:

Ikirego kimwe cya Jenoside (Ikirego cya 1)

Ikirego kimwe cyo Kuba icyitso cy'abakoze jenoside (Ikirego cya 2)

Ibirego bitandatu by'Ibyaha byibasiye inyokomuntu

- Itsebatsema (Ikirego cya 3)
- Ubuhotzozi (Ikirego cya 4)
- Gusambanya ku gahato (Ikirego cya 5)
- Ibikorwa by'urugaraguro (Ikirego cya 6)
- Ibindi bikorwa birenze kameremuntu (Ikirego cya 7)
- Gutoteza (Ikirego cya 8)

Ibirego bitanu by'Ibikorwa binyuranyije n'Ingingo ya 3 ihuriweho n'Amasezerano y'i Jeneve n'Inyongera yayo ya II

- Ubuhotzozi (Ikirego cya 9)
- Ibikorwa by'urugaraguro (Ikirego cya 10)
- Gusambanya ku gahato (Ikirego cya 11)
- Ibikorwa by'ubugome (Ikirego cya 12)
- Guhungabanya agaciro ka muntu (Ikirego cya 13)

GUSHYIKIRIZA IRMCT DOSIYE Y'URUBANZA

Ku itariki ya 1 Kanama 2012, dosiye y'urubanza rwa Augustin Bizimana yashyikirijwe Porokireri wa IRMCT.

Ku itariki ya 29 Mata 2013, Umucamanza umwe rukumbi, Vagn Joensen, yasohoye urwandiko rwo gufata Bizimana n'itegeko ryo kumwimura bisaba ibihugu byose bigize Umuryango w'Abibumbye kumushakisha, kumufata no kumushyikiriza Ishami rya IRMCT riri Arusha, aho Bizimana azafungirwa muri Gereza y'Umuryango w'Abibumbye.

Nk'uko biteganywa mu Cyemezo cya 1966 (2010) cy'lnama Ishinzwe Amahoro ku lsi y'Umuryango w'Abibumbye, ibihugu byose bifite inshingano yo gufatanya na IRMCT mu gushakisha abaregwa bagishakishwa, kubafata, kubafunga, kubimura no kubashyikiriza inkiko zigomba kubaburanisha.

Ukeneye amakuru arambuye kurushaho wasura urubuga rwa interinetu rwa IRMCT www.irmct.org.

Ibibazo by'itangazamakuru byoherezwa kuri imeyiri mict-press@un.org.